

剡源鄉志卷十三

奉化趙霈濤 醉仙甫纂

列女傳

宋

樊氏繕之女適舒卽文靖之母也樊譜

案舒文靖集先君承議壙誌父黻字德觀一字德濟母李氏而樊譜謂爲文靖之母其母字上脫一伯字或叔字與不然是譜牒之妄也今姑存之

舒氏董溪今名董村竺頎碩夫之配柔惠疏通克勤厥己既嫁事舅姑婉而恭遇長幼類稿

幼作卑而睦相夫子慎類稿而勤嫻親饋問孔惠孔時酒食賓燕具有旨蓄故

能和室人輯宗黨而家道以豐諸子能勝冠舒爲裏糧俾負笈出就明師歲時歸

覲問師友所講何說汝曹所肄何業所學何似躬自督課不懈益嚴子大年大本

大聲大用舒文靖集大年詳人物傳

剡源鄉志

卷十三

列女傳

一

丹山赤水洞天 剡曲草堂印行

陸氏曹盅之配寧海人曾祖熙祖辰父之機起於富室而溫恭勤儉無媚妒之私事

姑相夫婦道惟謹盅之成家出處無玷缺內助爲多封宜人年五十二卒子孝忠

孝先攻媿集孝先詳人物傳

曹氏粹中幼女盅之妹嘗寡居盅欲奪而嫁之妹自以與嫂陸氏相處無間不願再

適同居者二十年攻媿集

戴氏康熙志丹小山乾隆志陳自強妻年未二十適陳不一年而夫亡康熙志遺腹生子銓

陳譜父母欲奪其志誓不可端靜貞淑內外肅如宗族鄉黨咸敬重之年六十三而

卒名曰清臺節婦康熙志進士劉揀題其堂曰貞柏臧元儒爲之記銓有節母戴孺

人墓誌陳譜崇祀節孝祠孫觀清容集詳人物傳

節母戴氏孺人墓誌先妣姓戴氏諱字妙靜曾大父諱密大父諱升舉父諱

端禮故忠訓郎世居慶元之奉川生於乾道丁亥十一月二十三日終於紹定己

丑八月二十一日先妣稟性靜專立志堅無二致焉雖有顏色狗人至是非必辨

也初銓幼失所怙先妣年近二十即誓以死守痛未及定而先君所生母張氏繼

亡未幾又哭其女次第卜葬獨身任是責風雨震陵手持厥窮難矣戰中下霜暇
對祖居復營一舍寬平顯敞族姻必以為歸歲時奉祀凡事必躬親闕家塾延師
儒以教子以其兄之女可訓故鍾愛之且擇偶以助遺姪輩從類如此外墳木
以主其成又喜淳實更事則待以腹心育之如子其輕財重誼類如此外墳木
其愛親之切生計直以酬復為己業以善樂施賑恤貧窘運生財之道擅女紅之
能此特先妣之細者不敢緹數絲追念先妣居喪數十載艱難險阻亦既備嘗一
為壽享期頤庶少釋憾何天降酷罰遽摧厥凶尚忍言耶享年六十有三子男一
恐動祖塋生悔客非願祖焉遠以紹定壬辰正月丁酉奉柩窆於剡源永同亦
之原承母命也日既薄未暇乞銘於當世鉅公敬紀辛
葬歲月納諸壙仍刊其副於墓之右孤哀子泣血識

陳氏著女兒歸蕭氏夫死誓守柏舟郡聞於朝賜旌表褒節著有詩曰終身堅白表
重閨一粹真如玉不痕能使齊侯歸弔室自應沛相奏題門青天有眼臨霜節黃
壤知心妥夜魂不見鄞江八行史葉夫人德長兒孫本堂集

童氏諱尚柔字子敬陳著妻也同邑進士居善之女童婉而正敏而靜父以經學師
一鄉母為忠肅陳公之孫有懿則童周旋禮詩中習與性成既歸著事舅孝敬以
不逮姑為恨相春秋祀事親滌濯羞簠簋勞極勿懈處貧以禮閨房間甚相諧熙

剡源鄉志

卷十三

列女傳

丹山亦水洞天
剡山學堂印行

每聽著讀書歷耳了其大義頗閑筆札不輕一字於外著多遠遊持家條理其舅
寢疾時病產未信宿力起奉湯藥餽粥食不時夜不解帶殆五旬舅垂歿目著曰
汝妻善事我必善汝助承我宗事其無憾童素弱由是益多疾病輒難療遂卒年
三十七陳著撰

趙氏名必興字友良華亭知縣崇熹之女陳著妻也著出入仕路二十餘年內助為
多剡川詩鈔暇日舉酒屬之而歌曰險難○衛案剡川兮更嘗淡薄兮悠長翁與張兮
何常如友良何兮友良趙賡歌曰往事兮浮雲偕老兮天倫樂莫樂兮吾○衛案

鈔作真如良人何兮良人陳著內子女洗淑苾能詩本堂集前妻蕭氏表則趙氏其繼
也妻也

陸氏張鏞妻也鏞詳人大師陶山之裔曹娥監鎮之女孝事舅姑自隨有田廬券謀
諸錯曰將以與吾父之後資事奉鏞犁然當其心即卷而復之相成以義如此陳著

撰張正甫
墓誌銘

元

陳氏名潤字汝玉

鄞志案本堂集汝玉名洗著次女集中知台州著之女歸慈溪黃

正孫夫婦之間相成以道執箕帚侍巾櫛無違禮治絲繭縫衣裳無廢事主饋食

供祭祀無曠典而又不憚劬勤致養於姑得其歡心詩書語孟及女誠女則等篇

皆能成誦子玠方幼口授以書程督嚴於外傳尤喜觀易所占多驗間作小詩亦

有思致嘗為二子賦詩若干韻有關於倫紀可裨於治化學士大夫咸稱誦之泰

定四年卒年六十有三天曆戊辰九月歸葬剡源之三石女適戴帥初先生之子

幼儒

黃澹撰黃正孫蔡志

陳氏名淑著之女

本堂集 工吟詠鄞川詩鈔 著有次韻女淑壽兄詩詩曰道韞生來亦謝芝

解吟今有壽兄時着行布字銀鉤細鎔意成辭金籬垂義氣流行親手足笑風吹

到老鬚眉自家兒女能如此本堂集 惜淑之詩不傳

案陳本堂長女滋次女洗

即三女清四女冲則一味清甘足解頤

剡源鄉志

卷十三

列女傳

二

丹山赤水洞天
剡曲草堂印行

淑當是幼女

毛婦丁氏養姑甚孝姑病剖股肉作羹食之而痊

仇遠稗史

案毛婦附於毛良孫陸氏之後當是石門人

明

汪氏本信女西晦溪單直清妻年十九夫亡遺腹生子迪以守節終其身洪武時請

旌於朝會稽楊慎為之傳

西晦溪單譜

汪節婦傳節婦奉化汪本信女也長願次願費郵城史公廣顯贊縣單直清

願年二十八歲而寡無子妾陳氏生二女亦二十為喪主妻妾皆守節無二願年

一十九寡子迪方設孤姑欲奪志曰我姊與陳節婦無子尚守義終况願有遺腹

子敢不矢柏舟乎家業不足出產具以教其子今願年六十有四願年五十有五

妾陳氏亦年五十有六鄉黨宗族其稱奉化是真節二女同居力貧守節衣冠世

家宜知名五之大妾出箕箒之賤而化單之是可靠述書者予曰三十年前過明

其物陳鑄出本信二節婦女事實始知汪氏無後斤孤苦甚為世嘆息者當會

二女俱以青年守節今長者六十有四季者五十有五其志可謂堅矣三婦力貧

守節而不易其志可謂難矣而奉化二節采入史館形管一書照耀百世天之報

會稽汪氏若登無在乎洪武庚戌三月

童氏亭下單仲饒妻事姑甚謹姑遊瘡疾醫更年弗愈乃潛礪刀俟姑求肉粹左股割之烹以進姑異其味問所由來其妣具言之姑爲悲感疾亦尋愈單仲友爲作孝婦傳康熙入祀節孝祠

葛氏三石陳茂維妻年二十餘夫卒孝養兼盡撫孤成立守節終其身陳譜

汪氏沙隄樊富康繼妻守節四十餘年崇禎時年七十三卒樊譜

清順治至咸豐

夏氏

清順治至咸豐

夏氏康嶺康慶祿妻時逢鼎革山寇猖獗擄掠婦女無算一日賊兵猝至氏攜其二子奔匿前山騎兵追及欲污之氏不顧子大罵以石擊賊賊兵怒碎砍之此順治六年九月初四日事也時年二十有四康譜

宋氏沙隄樊榮善妻容醜而德裕家甚貧朝夕恆不給宋紡績以佐其夫順治六年

剡源鄉志

卷十一

列女傳

四

丹山赤水洞天
幽曲草堂印行

山寇作亂夫爲賊所害宋鬻產營葬遺子甫三歲至是而家益艱知力不能支撫孤泣曰若汝有所寄吾卽從汝父於地下矣且蒙蔽其面沿家乞食行至蔣葭浦有服姪某爲弟子師見宋而嘗之曰汝旣乞食何處不可而母子至此東家見之我以堪宋遂號哭而返不得已將子寄於王婆橋王氏蓋宋之葭葦也歸家拜告祖先潛至夫墓懸樹而縊時順治七年七月初七日也樊譜

陳氏三石董玄僖妻生子一歲而夫亡或以其少艾諷改適涕泣誓以死守玄僖昆弟三人皆早世門無壯男與喪在殯氏矢節彌厲深慮五喪未畢乃遷諸構同墳異穴而瘞曰吾伶仃一生矣歿後與一家骨肉聚於此至卒也年七十有二而卒

康熙崇祀節孝祠

吳氏公塘唐名鎰妻十七歸名鎰甫一載夫亡遺腹生子亦殤氏執女紅以養其舅姑舅文獻廷試入都而歿氏鬻簪珥侍夫堂弟禪扶舅之柩歸喪葬皆盡禮撫養繼子嗣泌蜚聲龔序年七十一而卒康熙五十二年督學宋公表其門曰節孝乾隆

志參
唐譜

黃氏毛家灘王良賢妻夫亡守節自矢年八十五而卒

王譜

陳氏沙隄樊華寶妻年二十八夫亡方娠三月及生山寇竊發氏與翁攜子避居異

地後室廬被燬結茅以避風雨夜甚寒奉被以安翁寢氏惟抱兒坐達旦翁逝世

後子與媳亦相繼卒遺幼孫僅三歲賴氏撫字成立

年八十一光緒二十四年由兩浙節孝總局請旌

邑合彭祖
訓譏傳

康熙五十一年卒

陳氏立侯彭祖訓陳節母傳癸巳秋樊生正蒙名景聖者遺予寺寓求為其先祖母
在任時脫行耕訪期符旌典何至長安希旌表非以全節直沽名耳戒族子姪曰女
子從一而終祇尋常事若與聞官長安希旌表非以全節直沽名耳戒族子姪曰女
勿道李民宗每讀陳情表臣無祖母何也者至今日概不禁仰天惟心而泣幸明公會
伯充劉予微不附幽子所云託之得入斯行而復不為茲其筆以垂永久則傳
再至乎川既及早聞其妻於生予谷深而復不為茲其筆以垂永久則傳
請至乎川既及早聞其妻於生予谷深而復不為茲其筆以垂永久則傳
千等滋錦爰為傳悉屏之陳小樊門夫子名華性端潔不尚靡麗山凡夫珠翠同
花冠羅錦爰為傳悉屏之陳小樊門夫子名華性端潔不尚靡麗山凡夫珠翠同
壬申生其麟敬友嘉次即友正聰明健記馬文按筆立氣自陳子歸合好陳氏已逝
列群生其麟敬友嘉次即友正聰明健記馬文按筆立氣自陳子歸合好陳氏已逝

剡源鄉志

卷十三

列女傳

五

丹山赤水洞天
剡曲草堂印行

惟翁存其定省夫婦必周必盡必整必固依仰食飲或遇外郡寒深夜如翁姑湯
歸凡之曰敬翁姑等夫不違事吾始一切家政親若無乃已舊對曰不
或兄長嫂與父母等夫不違事吾始一切家政親若無乃已舊對曰不
長兄長嫂與父母等夫不違事吾始一切家政親若無乃已舊對曰不
治己亥年所不即友正不祿或慮青春三月使祖考靈或及延一綫誓未亡人
天西心人下所不即友正不祿或慮青春三月使祖考靈或及延一綫誓未亡人
立報良人下所不即友正不祿或慮青春三月使祖考靈或及延一綫誓未亡人
魁字孝先一字德庵三歲時值山海寇發流離避居王村乏食日夜勤紡績
數年以病疾侍湯藥至忘餐寢幾絕葬祭悉如禮教子最嚴執外傳婦必
意讀深更教以百聖賢書又誠令擇妻為人故先居士公兜唐鼎所居書屋為
喬梓慈腹子公度詩文相往來受室於唐已三月同庚子生舉一子即景也
幸三月遺腹子公度詩文相往來受室於唐已三月同庚子生舉一子即景也
甲戌婦依氏相繼卒嗚呼天之厄之抑何慘讀絕無姑息為擇配孤孫曾孫
孫二成人相依為命老健持門戶日夜督孫誦讀絕無姑息為擇配孤孫曾孫
志無疾而終歲倚明崇禎五年壬申閏月某日壽八十一歲於大嶺之原嗚呼
氏可謂完節哉當天心而事無後詢可報良人於地至不希幸及有卓識
足千古今景聖念不忘祖慈手生前行猶均賜子傳子沒後庶不枉為景聖
守之充厥宗日氏不獲褒施手生前行猶均賜子傳子沒後庶不枉為景聖
心即勉所為也

胡氏亭下單偉昌妻年二十八夫亡守節三十八年康熙三十三年卒年六十五唐
禪作節婦傳

唐禪胡節母傳物為人之所與極珍異要不過皮幣珠玉器用之具哉與之以莫重之身
至沒齒守之不若天之與物於人豈皮幣珠玉器用之具哉與之以莫重之身
而天亦不以其守其身之常扶持之故孤寡受天之所與而難守禮義不失其重之身
則生於其門者或優於道德或達於顯榮近在一二世之內遠亦不爽於百千年
之間所謂惠迪則吉從古然也况時當衰晚飭躬勵行閱檢不踰求之儒林丈夫
子且罕見其人則巾幗中人更難望矣當此而有介然植節者是即歲寒之松柏為
造物留不磨之正氣為生人操貞一之良心故明明若昊加意玉成使衆人屬耳
曰者咸知彤殘肅瑟之秋尚有此青葱一葉準於單之為之點綴而愧勵多矣單門胡
氏係予母從妹本單所出凡伊母此青葱一葉準於單之為之點綴而愧勵多矣單門胡
曰夢息適周二十八歲而寡生而多疾難以課讀常撫之而泣曰奉身姑外陸鄰燕女
父以不克永年而繼今汝又病軀眼見斬落二葉矣吾如何得賭孫德之繁
而接續之哉夢賢對曰吾即不克以詩禮大家聲亦將勉以孝友細世技後而
以六十五歲壽終蘭階無甚豐業果能拮据營謀於願養勿替今夢賢生男凡五而
孫又生子則柱砌階登墊振其優於道德達於顯榮正未可量蓋使天所扶
持之者從茲伊始也夫止一身敬守天之所與既足光澤於生平又足慶
於後世其為貴重何如乃委而棄之哉而孺人遂矣康熙丁酉陽月

葛氏亭下單士臣妻年二十七夫亡守節十八年康熙五十二年卒年四十四鄞人

剡源鄉志 卷十三 列女傳 六 丹山赤水洞天 剡曲草堂印行

毛家成作節婦傳

毛家成高節婦傳高節人爲單君用資元配幼嫻內則年及笄歸單君孝事翁姑
相處婦姑躬親紡織佐君誦讀機杼之勤與啣相應單君年二十有五抱恙在牀
志殊難我死後母以我爲念猶人曰噫何爲出此言也設君不幸願以死繼之單
君曰不可老母幼女惟汝是賴况吾讀書鬱鬱不得志以沒自愧無顏見先人於
地下吾死必有繼子女丸熊畫荻古訓是式倘得名不成行立雖死猶生矣言畢而逝
婦人即欲身殉親族以遺言相勸而止喪葬之事盡禮盡哀即會同宗族立繼承
祀凡養始育女親族皆以身任族有勸其嫁者正色以拒飲冰茹荼矢志無他儒
人得繼子兆岐質性愚魯遂爲無負亡夫志耳年四十四卒守節十八年如孺人
香何忍令其溘沒無聞也因傳之家乘俟太史氏採錄焉

壽婦俞氏斑溪董陞陞妻生明天啓甲子卒清雍正甲辰壽一百一歲督學馬豫給

匾曰百年人瑞

宋氏亭下單彙如嘉善妻年二十八夫亡守節三十四年雍正十三年卒年六十一

督學馬公旌其門曰霜筠孤潔

張氏亭下單思宗妻年二十于歸甫一月思宗病劇氏含淚祝天求以身代迨

至病危不能起見夫氣息淹淹即投繯自盡與夫同日而逝時乾隆四年十二月

十九日也督學彭公啓豐以閨中鐵漢獎之周榮作烈婦傳乾隆志

周榮張烈婦傳張烈婦者乃馬村伯順女時年僅上單思宗妻也容貌端莊舉止貞靜年十九于歸宗黨慶其父兆能公得佳婦繼月餘思宗肄業錦溪書院得病歸烈婦理湯藥護服事衣不解帶者三月往往含淚祝天求以身代見夫氣息奄奄料不能起即投環自盡與夫同時而逝時雍正元年二月十九日也嗚呼視死如歸丈夫猶難之乃得之閨門中何其烈也噫其與世之輕生罔死者真有泰山鴻毛之別矣夫婦合葬於黃泥地之柿樹近兆能公命以次子克茂子敦行爲嗣時學院彭公啓豐以閨中鐵漢獎之洵錚錚有聲哉

沈氏巖頭諸生毛應禳妻年三十四守節三子皆幼撫養成立各授以室終身不事

修飾年七十一卒其幼子與梅成邑諸生子與梅撰

孫氏樟墅毛明信妻守節六十年年七十六卒邑令韓公旌其門曰安節遐齡乾隆志

單氏董村宋武假妻年二十三夫亡氏教養遺孤周鎬蜚聲巖序孝事老翁翁年九

十七病篤氏侍湯藥未嘗暫離翁臨終謂氏曰願爾子孫事汝一如汝之事我也

督學宋公以白首青燈獎之乾隆志

剡源鄉志

卷十二

列女傳

七

丹山赤水洞天 剡曲草堂印行

俞氏毛家灘王曾奇妻乾隆志年二十三夫亡守節二十三年年四十六卒王譜

楊氏毛家灘王曾信妻年二十四夫亡舅姑以家貧氏幼令其改適氏泣曰若是死

無以見先亡人於地下也苦節自守壽至六十而卒乾隆志

葛氏石門毛順玠妻年十八于歸踰年生子文郁方四十日而夫亡氏毀容守志躬

任園圃之勞終身無戲語無歡容撫養幼子成立鄉里莫不尊敬年六十八卒乾隆志

志

毛氏榆林陳順才妻年二十生子甫二十五日而夫亡氏苦志守節族有善相者謂

毛宜四夫毛厲聲曰婦女之義從一而終我命如此我志不易撫養遺孤成人年

七十卒乾隆志

張氏巖頭毛允行妻年三十二夫亡守節乾隆六年卒年八十二

夏氏柏院陳國賢妻年二十二夫亡守節六十二年乾隆十一年卒年八十五十四

年督學于公以節堅志潔獎之乾隆志

曹氏三石陳唐隆妻年十九夫亡守節五十二年乾隆十六年卒年六十七督學雷公獎之乾隆志子虞升妻竺氏值曹病篤潛割左股昏絕不能起鄰家救之曰妾無恙偶一失足所致耳有頃強煮之和藥汁以進曹遷延五日而卒竺哀慟踰恒竟以茹素終其身陳譜

俞氏毛家灘王良珍妻夫亡守節乾隆十一年卒年八十一邑令黃彬以清節可嘉獎之

俞氏馬村張德濟妻年三十四夫亡守節五十四年乾隆十七年卒年八十七

唐氏康嶺康伏忠妻年三十五夫亡守節三十六年乾隆二十一年卒年七十

王氏六詔孫俊賢妻年三十三夫亡二子猶在抱王左提右挈貞德無間性好善一日米不盈一斗以二升貸人少响乞米者又至亦與二升長兒耽耽視之似欲有言王曰若無來源雖不貸人其餓可立而待牀頭有錢一串汝勿憂也守節二十四年乾隆二十二年卒年五十六次子懷智妻趙氏年二十九懷智亡守節六十

剡源鄉志

卷十二

列女傳

八

丹山赤水洞天
剡曲草堂印行

四年嘉慶二十五年卒年九十二人稱姑婦雙節趙氏光緒二十三年旌

俞氏沙隄儒士樊守榮妻守榮讀書中道而廢俞曰君不聞樂羊子事乎守榮感其言遂忘寢食以文學稱守榮亡俞年三十一守節四十五年乾隆二十四年卒將卒戒其子曰我先舅姑而去必以素服殮我勿成禮以暴我不孝罪也語畢而逝年五十一

應氏巖頭毛高英妻年二十三夫亡守節五十五年乾隆二十九年卒年七十七督

學宋公以守義綿宗獎之乾隆志子際華繼妻張氏年二十三際華亡守節五十一年五十五年卒年七十一

阮氏三石曹義枚妻年二十三夫亡守節五十八年乾隆三十年卒年七十八乾隆

二十八年督學錢公繼城獎曰雪柏霜筠乾隆志其長孫淦成邑諸生幼孫肇封妻樊氏肇封亡樊年二十四事翁姑孝養不衰一夕樊與姑至厠見一獸至燭之虎也將撲姑姑戰栗無人色樊大聲疾呼拾石擲虎中其額大吼而去撫猶子

瑩成邑增生孫振聲亦諸生樊道光六年卒年七十五督學周公獎曰荻訓徽音

曹譜

單氏毛家灘王世科妻年三十一夫亡守節二十九年乾隆三十年卒年五十九

俞氏亭下儒士單崇禮妻年十九夫亡守節二十四年乾隆二十一年卒年四十四

乾隆志

周麟晚軍節婦詩于歸繼二載守志廿二年奉舅代夫責撫孫接祖傳冰清操甚潔玉潤志何堅回憶無窮苦贏來節壽全

毛氏許家岸張高祐妻年二十一夫亡先是毛年十四少夫年二十五歲為媒所誤

或代為不平毛曰此吾夙世緣於媒氏乎何尤謹修婦道事姑無少怠相夫子敬

慎不違儼事若父是老夫得其女妻者也守柏舟操者五十八年乾隆三十二年

卒年七十八光緒二十三年旌

趙氏塔下曹義松妻年二十三夫亡二子俱幼家貧宗族恐其難守以語試之曰姑

老子幼將安依乎趙忿曰吾不即死以從夫者正以姑老子幼也仰事俯育孝慈

剡源鄉志

卷十三

列女傳

九

丹山赤水洞天剡山草堂印行

倍至乾隆三十三年卒年九十一 乾隆志 參曹譜

毛氏榆林陳義鏃妻年三十一夫亡矢志守節日益拮据毛惟治生以奉堂上哺遺

孤凡灌溉田畝皆身任之後老病瘋痺骨節作楚藥餌不能療絕粒十餘日乾隆

三十五年卒年七十四

竺鄭節婦詩人生失夫閨弱草隨風靡緬懷陳氏母堅貞諒無比良人相訣別誓節亦終始此身百鍊鋼此心古井水艱辛百倍嘗刻意成孤子於以報所天適足

扶人紀瞻仰懷清堂何如苦節里我欲叩天開傳風上青史

壽婦黃氏三石趙有積之妻也乾隆三十六年年一百一歲邑侯曹膏同府侯徐崑

通詳各憲咨部奏請奉敕建坊給貞壽之門匾額併賜銀緞等物以昭寵獎是年

小除日無疾而卒 乾隆志 參趙譜

邑令曹膏壽婦詩四首剡川黃氏女昔英風協松筠壽且真冬夏幾回吟日夜長年應便古人驚壽域宏開及女流百齡以外數春秋柵墟紫氣盈關隘氣水祥光綸縵樓趙家壽婦過期頤絳縣河塘比擬之三萬六千餘日積算來甲子問朝知綸綍遠頌壽婦門窮簷蔀屋戴天恩黎民雀躍歡呼動徧德源仰帝開

案曹公手卷今尚存其來孫禮周家

陳氏亭下單思明字巨妻年三十三夫亡守節四十二年乾隆三十七年卒年七十

四夫叔祖良弼作節婦傳光緒二十四年憲旌

單良弼陳節婦傳聞之司馬溫公嘗言吾無過人者但生平所好未嘗有不可對人言者耳夫可對人則可告天也天人無虧雖鬚眉男子尚難索以何况於婦今吾族有巨端妻陳氏來自三石夙有志操夷考生平孝舅姑和妯娌其大端也而其最者家貧子幼年少夫亡陳氏菜根自味柏舟自盟撫養二子成人其多貧賤甘淡汨寡嗜慾赤心承前啓後未嘗有不可對人言也且也紡績織紉以爲家業終無倦意積有餘金以資夫兄巨祥續取生男得延先人祀火并陰行周恤致其姪媳愷宗妻竺氏頗以成家爾桂膝是皆節婦成人之美者又未嘗有不可對人言也洎後命途多舛二子俱亡猶子紹宗幸恩忤逆行拂亂其所爲而節婦毫無愠色以全其孤潔之志操尤未嘗有不可對人言也若夫無疾言無違色無容步無惰容凡嬉笑理近之語未嘗出諸口紛華靡麗淡然無所好猶其倚緒是誠對諸人而無以傳告諸天而無愧者也揣其隱衷實不欲子筆之以文適伊從姪約耳乾隆己卯梅月

葛氏毛家灘王承業妻年三十夫亡其母欲奪而嫁之葛知之曰夫骨未寒而去之禽獸不若矣何容生爲自溺於水者再旁人救之得不死其母恍若有所失守節五十五年乾隆三十八年卒年八十四光緒二十三年旌

剡源鄉志 卷十三 列女傳 十 丹山赤水洞天 剡曲草堂印行

陳應熊詩稿甚不長大刀頭辛苦婦居五十秋修竹生來原有節叢叢老去竟忘憂堂前一子舞萊絲燈下諸孫誦柏舟聖代觀風類遣使將應竹帛著光休

毛氏許家岸儒士張鳳岐妻年二十三夫故毛自送葬後顏色怡然不少變人間之則曰親傷子死與吾痛夫亡孰甚薄命不獲使良人得年終養反悲號以滋舅姑之戚乎是年其翁以空中衣狗幾置身於大辟將詣邑下吏與其姑相訣似獨有念氏意氏何覺之和聲前慰曰天道難言翁罹非罪人心有主媳婦誠之死靡他矣未幾舅冤果雪守節五十年乾隆四十三年卒年七十二光緒二十三年旌
王氏沙隄樊養備妻年二十四夫亡俯仰無資泰然也一日嘗買物於市人有目逆而送之者歸即自毀其面其堅貞如此守節五十七年乾隆四十六年卒年九十
光緒二十四年憲旌

唐氏巖頭毛建德妻年二十四夫亡鄰婦嘗餽之曰家貧子弱不可以圖久遠唐曰貧弱命也命可逃乎媼其勿言守節六十年乾隆四十七年卒年八十三光緒二十三年旌

陳氏三石何元英妻年十七夫亡遺孤僅十月氏孝養翁姑撫孤成立乾隆四十七年卒年八十二其來孫景黍弱冠蜚聲庠序人咸以為節孝之報云乾隆志參何譜
馬氏康嶺康良輔妻年二十二夫亡屢欲自經以殉既念方孕八月若得男猶可延一綫之脈于是晝夜操作不倦未幾果生男遂以荆釵裙布終其身守節五十年
乾隆四十八年卒年七十一光緒二十四年旌

沈氏北溪盧宏正妻年三十三夫亡守節三十五年乾隆五十二年卒年六十七光緒二十四年憲旌

俞氏亭下單懋宗妻年三十夫亡不勝慟哭欲以身殉舅姑多方勸慰始強而起守節六十二年乾隆五十二年卒壽九十二歲
應氏俞村俞啓彬妻年二十八夫亡宗人謀奪其志應以刀自佩曰妾將從夫於地下也橫謀遂寢年登大耋親戚咸欲張錦屏以賀應曰吾未亡人何賀之有守節五十五年乾隆五十五年卒年八十二光緒二十三年旌

剡源鄉志

卷十二

列女傳

十一

丹山赤水洞天
剡曲草堂印行

樊氏馬村張振邦妻三十四夫亡守節四十三年乾隆五十七年卒年七十六光緒二十四年憲旌

王氏巖頭毛元廣妻年三十夫亡守節五十七年乾隆五十八年卒年八十六光緒二十三年旌

單氏北溪盧學林妻年三十五夫亡守節年六十六卒嘉慶戊寅督學李公獎曰節勵冰霜

俞氏柏阮陳兆楨妻年二十九夫亡伯氏欲分爨薄與之產俞曰吾幸得兩塊肉成立足矣此外復何求伯氏愧其言乃均分之守節三十二年嘉慶二年卒年六十光緒二十三年旌

汪氏亭下單思恒妻年三十一夫亡守節三十五年嘉慶九年卒年六十五道光二十八年徐府尊以節孝獎之

夏氏公塘唐承華妻年二十二夫亡夏不哭人咸怪之夏曰翁姑如此痛哭妾再哭

是增翁姑之痛也喪畢兩目血流如注蓋無聲之哭淚盡而繼之以血也翁姑乃不復哭反寬慰之與翁姑相得二十餘年嘉慶五年卒年七十六卒之日清風一陣異香盈室光緒二十四年旌

孫氏柏阮陳守德妻年三十五夫亡守節五十年嘉慶七年卒年八十四光緒二十四年憲旌

張氏董村竺朝元妻年二十一夫亡先是其夫夙抱沈疴成婚數月卽逝髮髮我儀泣矢家廟守節五十二年嘉慶十一年卒年七十二光緒二十三年旌

夏氏塔下康兆元妻年二十一夫亡貧不能支乃磨乳度日日積月累家遂小康或勸其歇業夏曰翁姑幼子俱藉此以活妾何忍棄也且其嚴肅之氣人莫敢以非禮相干守節五十八年嘉慶十三年卒年七十九光緒二十三年旌

宋氏董村竺維蘭妻年二十五夫亡以死自誓族有謀奪其志者抱子大哭且引刀自刺其臂其謀遂息後撫孤成立諸孫繞膝守節六十二年嘉慶十五年卒年八

剡源鄉志

卷十三

列女傳

十一

丹山赤水洞天
剡曲草堂印行

十六光緒二十三年旌

陳氏公塘唐光旦妻年二十九夫亡守節二十七年嘉慶十六年卒年五十九光緒二十四年旌

張氏毛家灘王家就妻年二十九夫亡哭盡哀喪盡禮義方之教張實兼之守節三十四年嘉慶十六年卒年六十三光緒二十三年旌

唐氏董村竺藩宣妻二年十八夫亡事翁姑極恭順撫猶子爲嗣教養備至守節五十九年嘉慶十六年卒年八十六光緒二十三年旌

曹氏三石陳虞哲妻年三十一夫亡子纔四齡舅姑復年邁曹守志不二夫堂伯利其產以讒言誑其舅姑逼之嫁舅姑惑之已許諾曹聞之卽欲自盡舅姑懼而止一日堂伯誘孤子至其家食暗置毒物返而大叫腹痛問所食何物已不能答曹急以地漿飲之吐而後定舅姑始知昔日之讒言皆出自夫已氏也大罵不使登門守節五十七年嘉慶十九年卒年八十七孫嗣泮妻康氏年三十嗣泮卒有富

人見而悅之以重利啗其兄縛而登諸輿康慟哭幾絕輿夫義之釋其縛乃狂奔投深淵中旁人救之得不死俱大言其兄兄無地自容康守節三十一年咸豐十一年卒年六十一嗣泮弟嗣澳妻樊氏年三十一嗣澳卒與康後先守節光緒十五年卒年七十九康氏光緒二十三年旌

毛氏柏阮陳守約妻年二十二夫亡遺一子纔三月左支右絀養殮不給或曰祀田可售以養孤毛曰養孤所以承祀也苟廢祀何需孤攻苦食淡者五十年嘉慶二十一年卒年七十四光緒二十三年旌

樊氏三石陳虞庠妻年二十四夫亡守節六十一年嘉慶二十一年卒年八十三光緒二十三年旌

竺氏俞村俞引蛟妻年二十六夫亡雖有伯叔之親分爨不與家產長子次子均在襁褓遺腹又生一子乃以紡績自給不足採野菜以充飢後時以雞子奉繼姑陸續領童養媳三人一家七口皆竺一人經紀之俾各成立守節四十七年嘉慶二

剡源鄉志

卷十三

列女傳

十三

丹山赤水洞天
剡曲草堂印行

十五年卒年七十二光緒二十三年旌

宋氏北溪盧大朋妻年二十六夫亡孝養繼姑盡禮年七十四卒子學銳妻唐氏年二十七學銳亡姑媳飲冰茹蘗矢志不移年七十五卒以猶子爲嗣道光三年學憲桂公獎曰二世貞筠

王氏應家山應承烈妻年二十歸應時太翁與翁在堂王孝養備至甫一年夫得損證氏奉湯藥衣不解帶者一年有餘夫亡屏去鉛華撫育遺孤勤勞不倦道光元年卒年三十一光緒二十三年旌

夏氏巖頭侑生毛安鎬妻年三十夫亡撫棺一慟絕而復甦越三月遺腹生男憮然曰一綫之緒懸於此孤吾不得遽從夫子於地下矣且嘗謂姑氏吾活佛也何必尋梵堂膜拜哉守節三十二年道光元年卒年六十一孫鏗鏞曾孫其炳玄孫祖昌俱成邑諸生光緒二十三年旌

張氏巖頭儒士毛恭肅妻年十九歸恭肅先是恭肅嗜書如癡未婚而疾及婚張爲

繫書於牀以娛其志閱五月而卒張守喪六旬忽一日入房整衣斂衽仰藥而死時道光元年四月二十九日也光緒二十三年旌

竺氏毛家灘王家敏妻年二十九夫亡守節三十一年道光二年卒年五十九光緒二十三年旌

陳氏三石趙義貴妻年二十七夫亡守節三十九年道光四年卒年六十五光緒二十三年旌

周氏塔下曹肇巒妻年二十八夫亡守志事姑愈謹撫孤愈慈族有侵佔其山者其子年長始知之諭令退讓堅不肯欲訟之官周曰吾聞訟則終凶不如聽之且安知非彼己業何可誤信人言其大度類如此守節三十六年道光三年卒年六十三光緒二十三年旌

竺氏沙隄樊景志妻年二十七夫亡守節姑性悍滌灑洗滌屢齟齬竺怡然順受自認其過而不辭相處數十年卒如母女無異翁姑歿竺亦垂老以家政諉諸子淡

剡源鄉志

卷十三

列女傳

十四

丹山赤水洞天 剡曲草堂印行

然無營道光三年卒年五十九光緒二十三年旌

陳氏石門毛茂康妻道光二年年二十歲適毛伉儷甚篤至六年夫亡一慟而絕及甦不其悲哀人咸怪之密覘其所為豫裁身後之衣以防之嚴不得即死乃含殮如禮送葬而返沐浴更衣閉戶自經時年二十四光緒二十三年旌

毛振雍唱陳烈婦詩嗚呼婦人之難莫如節尤其難者節而烈吾兄曰茂康陳氏同心結抗儷幾何年夫也遂永訣身單家又貧似臥寒天雪痛念泉下人淚滴眼惜蟻命戀孤幃朝朝暮暮腸空裂何如地從郎去了卻一生完吾潔寸心鐵不堅人誰笑吾拙梁間一刻甘如飴泰山鴻毛頓區別君不見列女傳中巾幗賢芳名耿耿堪指屈慘死善死同一死得宜聞之慄皮金碧字誰家女闔戶自縊香且洵短見之見甚長一死血成千古碧黃泉下有鴻案

樊氏柏阮陳守紱妻年三十四夫亡遺一子纔毀齒樊撫養成立已而子又不祿遺

幼孫二樊恩勤鞠育婉轉教訓俾至成人道光六年卒年八十

樊氏董村竺建星妻年二十六夫亡守節四十一年道光六年卒年六十六光緒二十三年旌

壽婦陳氏西隅樊立悰妻庠生配鼇廩生配南之母生康熙九年庚戌道光六年卒年九十七

王氏北溪盧學才妻年二十二夫亡截髮自誓視翁年猶強健力勸續娶以延宗祀後連舉四子王保抱攜持與繼姑分其勞勩其識力遠大類如此守節四十七年道光七年卒年八十八光緒二十三年旌

唐氏北溪盧承明妻年二十四夫亡子宗孝生甫三月唐即欲引刀自裁以翁姑喻之而止孝養數十年不衰賑恤困窮村中賴以舉火者數家修道路造菴亭建祠廟凡有善舉靡不與焉年五十六卒道光中當道上其事奉旨建坊崇祀節孝祠宗孝詳見人物傳孫乃楨成郡諸生

方氏下蹕駐王立言妻年二十七夫亡蕭然四壁火不再舉方安之若素守節四十四年道光七年卒立言弟立興妻樊氏年二十八夫亡姑晚年善病樊與伯姪方爭先滌溺器雖穢不嫌守節五十三年咸豐二年卒方年七十樊年八十光緒二

剡源鄉志

卷十二

列女傳

十五

丹山赤水洞天
剡源鄉志印行

十三年旌

王氏沙隄樊忠良妻年二十八夫亡誓無他志有某窺其色以言相戲王斥辱交加某銜之遂造誣言王聞之痛入骨髓每夕禱天以自明心迹如是者三年越中元日某忽狂奔入廟面如土色目擊其掌曰吾不應誣讎某婦遂自齧其舌而死王冤始曰守節四十八年道光八年卒年七十五光緒二十三年旌

張氏亭下單思超妻年二十七夫亡誓欲同死舅姑含淚抱痛慰之守節四十三年嘉慶十二年汪學憲以瑤池冰雪獎之道光九年卒年年六十九

何氏董村竺朝楷妻年三十夫亡教子成名守節三十三年道光十年卒年六十三是年學憲李公以德揚彤史獎之光緒二十四年旌

顧氏柏阮陳守法繼妻年二十二夫亡仰事俯育荼苦萬狀及翁姑相繼謝世喪祭皆盡禮教子有畫荻之風子秉鈞孫如蕃濟霖玄孫學欽俱成邑諸生書香累葉乃知顧當日之貽謀者遠也守節五十八年道光十年卒年七十九光緒二十三

年旌

黃氏巖頭毛際鼎妻年三十四夫亡守節四十七年道光十年卒年八十光緒二十四年憲旌

毛氏許家岸張永英妻年三十三夫亡守節道光十年卒年七十一督學朱公士彥以白首完貞獎之

董氏許家岸張永金妻年三十一夫亡守節三十年道光十年卒年六十學院朱公以矢志完貞獎之

毛氏三石趙仁壽妻年三十夫亡守節四十八年道光十一年卒年七十七光緒二十三年旌

江氏石門水塘灣儒士毛德英妻年二十于歸二十四夫亡道光十二年卒年四十三

徐氏俞士炎繼妻夫亡年二十餘以守節終繼子炳如成邑諸生

剡源鄉志

卷十三

列女傳

十六

丹山赤水洞天
剡曲草堂印行

王氏俞士芳妻夫亡年二十八守節三十餘年

王氏沙隄單思盛妻結縈二載即賦黃鵠時年二十懼不能全常操刀自衛至繼子成婚之夕沐浴更衣無疾而逝時道光十五年也守節三十二年五十一光緒二十四年旌

樊氏塔下曹肇封妻年二十四夫亡誓無他志孝事翁姑撫猶子瑩為嗣躬親撫養義方是訓課讀如嚴師後營成邑增生孫振聲亦成邑諸生皆樊課督之力也守節五十二年道光十六年卒年七十五光緒二十三年旌

康氏亭下單敦明妻年三十五夫亡守節三十六年道光十七年卒年七十一諸生

俞汝諧作節婦傳

俞汝諧康節母居維大荒落之春予下榻於單氏孝思堂謁祠訖觀堂上閨中
鐵漢池冰雪誰知矢志完貞者殊難數心異之是年秋其族修家乘有孝慶
來館流謂予曰祖妣康氏家寒素茹荼飲荼歷終身如一日哀此苦行敢乞子一
言以爲傳余辭之祖妣康氏家寒素茹荼飲荼歷終身如一日哀此苦行敢乞子一
種孺人燒笏煮麥餉之獨苦不意結縈數年嘉慶辛酉秋公病劇屬曰吾若見背
子仁近甫六歲吾嗣絕續責在汝矣語畢而逝孺人絕而復甦者再妯娌委曲寬

譬之乃止曰我非不能從所天於地下顧茲屏弱既失怙復失恃零丁孤苦豈能苟延旦夕故勉從亡夫屬耳時孺人年三十五於是早作夜思服勤不倦或漏下至夜分猶開機杼剪刀聲隨寸累銖爲其子娶室至道光丁酉九月廿五日卒享年七十有一卜兆於火爬頭今得文孫三曾孫二天之報施節母爲何如哉故傳之以備他日輶軒者採焉同治八年九月

陳氏董村廩生竺苞妻年三十夫亡矢志無二凡宗廟津梁道路無不稱量以與守節五十三年道光十九年卒年八十四道光元年欽旌節孝給帑建坊崇祀節孝祠子純甫院取併生妻樊氏年十八夫亡與姑同寢處寒暑不出戶外守節四十二年道光二十三年卒年五十九道光十三年陳宗師以貞壽垂型樊之樊繼子凌雲妻盛氏凌雲入邑庠旋卒盛年二十八嘗自誓曰吾太姑與姑俱青年矢志我何敢不步厥後塵乎且性好施與榮善不倦光緒十四年卒年六十六子廷勳亦成邑諸生樊氏盛氏均於光緒二十三年旌

王氏黃沙阮丁士璋妻問安視膳彬彬有禮年二十三夫亡殯送如禮誓無異志子生未晬十日九病叩天祈神日無寧晷及長頗強健喜形眉睫蓋王之默禱願減

剡源鄉志

卷十二

列女傳

十七

丹山赤水洞天
剡山草堂印行

已算以益兒壽者其精誠貫諸神明也守節五十八年道光十九年卒年八十光緒二十三年旌

單氏柏阮儒士陳永祁妻年二十六夫亡守節六十一年道光二十年年八十六光緒二十三年旌

阮氏公塘唐光馥妻年二十二夫亡或有勸其再適者阮曰人生與草木同腐黃梁一夢頃刻間耳且翁姑與夫祀事其誰承之妾將肩此任矣後卒一一如其言竟以親房嫌其家貧莫肯承繼人咸惜之道光十二年督學某公以松竹同貞獎之守節五十二年道光二十年卒年七十三光緒二十四年旌

竺氏六詔孫見校妻年二十四夫亡守節三十九年道光二十一年卒年七十二光緒二十四年憲旌

毛氏亭下單仁植妻年三十三夫亡守節二十二年道光二十二年卒年五十四當道以冰心柏節獎之

胡氏沙隄樊守奇妻年三十四夫亡守節三十年道光二十二年卒年六十三光緒二十四年憲旌

陳氏斑溪董天懷妻夫亡年二十八誓無二志夫嗜筍每忌日必羅致之如是者七八年其年大旱三月先數日使人徧處尋筍不得厥明忌日至矣陳哭曰天乎此薄物吾不能致復何顏見夫子於地下乎夜半忽大雨如注侵晨起視後園筍俱怒生遂採取以供夫祀守節三十六年道光二十二年卒年六十三光緒二十三年旌

王氏公塘唐士超妻年十三為養媳既成婚夫病癡王以命自安及夫亡矢志靡他喪畢歸寧母黨伯姒欲嫁之媒氏成約娶有日矣誘王使來有鄰媪潛告以情王即於是夕雉經而亡時道光二十四年十一月某日也年二十四光緒二十三年旌

唐燦王烈婦詩二十餘年盡度秋一朝煞手付東流撇開塵世毫無繫化非飛仙何處求

剡源鄉志

卷十三

列女傳

十八

丹山赤水洞天
剡曲草堂印行

馮氏環潭王富昌妻年三十一夫亡守節五十九年道光二十六年卒年八十九光緒二十四年憲旌

包氏鎮海人沙隄樊忠侃妻年二十九夫亡守節六十年道光二十七年卒年八十八光緒二十四年旌

俞氏馬村張錫祥妻乾隆癸丑山水驟發錫祥歿於水俞欲以身赴水姑與妯娌伺之得免俞時年三十五教子成家堂構聿新凡遇夫歿之日必嗟吁流涕其孫立槐粵匪竄奉以團練守唐興嶺邑侯屈保舉六品銜曾孫錦文戊子歲貢邑諸生鄉之人皆以為食節母之報者道光二十八年卒年九十歲

范氏鄞縣人董村竺自新妻年三十四夫亡守節道光二十九年卒年六十八光緒二十四年憲旌

竺氏廩生苞之女榆林佾生陳繼楠妻年二十五夫咯血亡竺思一綫之緒忽焉中斷勸翁復納庶姑越數年果生一子後子復生子俾其夫亦相繼有傳且氏之母

以節著而氏亦守節四十九年人稱爲母女雙節道光二十九年卒年七十三當道以節凜松筠獎之光緒二十三年旌

唐氏董村庠生竺錦芳妻年三十五夫亡守節十六年咸豐元年卒年五十光緒二十三年憲旌

葛氏沙隄樊立田妻年二十三夫亡僅遺一女姑卒喪葬如禮以繼子守秉爲夫後求田問舍至老猶操作不倦守節五十一年咸豐元年卒年七十三光緒二十四年旌

毛氏柏院陳守淡妻年十九夫亡以守節自誓伯姒姊也撫其子爲子其後孫曾繁盛家業熾昌孫達章入成均曾孫善成邑諸生守節六十一年咸豐五年卒年七十九光緒二十三年旌

樊氏巖頭儒士毛榮桂妻年二十三夫亡守節六十一年閨門肅穆內外整飭人皆稱道勿衰咸豐六年卒年八十三光緒二十三年旌

剡源鄉志

卷十三

列女傳

十九

丹山赤水洞丁
剡源草堂印行

毛氏許家岸張永斌妻年二十七夫亡腹有孕踰月而生撫之成立守節五十八年咸豐六年卒年八十四光緒二十三年旌

單氏董村宋顏模妻年二十二夫亡守節四十九年咸豐七年卒年八十二光緒二十四年憲旌

孫氏董村竺藩審妻年三十四以守志自矢遵遺命督子褰巖少有意惰輒斥辱之二子力田積穀籌車二子讀書蜚聲庠序遠近稱之守節四十三年咸豐七年卒年七十六光緒二十四年憲旌

胡氏董村竺商阜妻年十八歸竺未婚明年其夫忽遭奇疾綿延五載胡朝夕進粥糜叩天願以身代咸豐五年夫歿胡年二十四一慟幾絕請於舅氏曰願成服守喪矢志終身後胡以母喪歸或勸之曰未婚者不必守義胡不應屢欲自盡母家知其志不可奪送至竺家於咸豐七年沐浴更衣細鍼密縷縫其下裳不食卒年二十六光緒二十三年旌

毛氏許家岸張文中妻年三十五夫亡守節三十七年咸豐八年卒年七十五光緒二十四年旌

康氏許家岸張錫鉅妻年三十夫亡守節三十四年咸豐八年卒年六十三光緒二十三年旌

陳氏公塘唐肇欽妻年二十七夫亡以猶子爲嗣仰事俯育煦煦如也鄰有逆子將毆母見陳來狂奔而去後卒母子如初其感人多如此守節四十年咸豐九年卒年六十六光緒二十四年旌

陳氏石門諸生毛錦佩妻年三十三夫亡守節四十二年咸豐九年卒年七十四道光戊申府憲徐邑令楊獎其門

蔣氏沙隄樊忠元妻忠元兼祧其叔可欽後可欽又爲忠元取單氏忠元亡蔣年二十八生子厚曠單年二十一無子撫猶子厚英爲嗣蔣與單指心自誓夫棺在堂傭婦不謹爨下失火勢將及棺蔣與單抱棺大慟忽迅雷大雨如注火頓熄蔣性

刻源鄉志

卷十三

列女傳

二十一

丹山赤水洞天
刻曲草堂印行

好施凡有求必應踵門告匱者如市單長幼上下咸待以禮嘗助田以崇祀事蔣咸豐十年年五十一單光緒十三年卒年七十三人稱一門雙節均於二十四年旌

趙氏三石新城教諭青照之女亭下單仁瑛繼妻年二十四于歸時舅姑祖姑俱在堂家政肅然趙羞其飲食時其寒暖躬其扶持抑搔能得兩代歡心越三歲仁瑛中惡疾卒趙悲不自勝欲以身殉既而翻然曰吾幸有一塊肉周晬矣天祚單氏安知無成立日耶輕生不智斬嗣不仁重貽尊章憂不義負亡人託付不信吾靳忍諸故始斂及葬舅姑祖姑恐其過悲時時強慰之逾期恐舅姑祖姑靈傷或轉爲強慰退則抱遺孤廷颺淚泫泫下督其就塾不假顏色及姑捐館計事之凡十二年祖姑捐館計事之凡十五年舅姑亦尋捐館計事之凡十六年趙經營窳窳悉如法咸豐九年學憲張文貞公以勁節貞心獎之十年卒年六十九郭傳璞爲撰節母傅子廷颺太學生孫紹統妻周氏年三十二夫亡卽共同志二婦居尼菴

以終而歲時定省必以時物饋其舅姑守節三十年光緒二十一年卒年六十一

秀而樸... 不數子... 乎既悲... 先人志... 獲辭劉... 性廉耐... 愈無在... 而翻然... 仁重貽... 過悲時... 下者廷... 也者吁... 凡十五... 同居十... 節狀援... 增附生... 省學政... 張公錫... 庚批淮... 准給予... 勳節真... 心四守... 字狀於... 立願奉... 以學蒙... 示褒揚... 孺人詳... 生於隆... 壬子全

荆源鄉志

卷十三

列女傳

二十一

丹山亦水洞天 荆源草堂印行

年八月十八日卒於咸豐十年八月十七日年六十有九... 子論曰... 頭角嶽... 甘臨之吉... 者孺人... 蓋有之... 矣咸豐... 十年庚... 申九月

盧氏三石陳嗣範妻年二十三夫亡盧畫地作一刀形而誓之曰妾如有異志願以

刀加我身踰年夏梁巢雙燕其一為猫所囓其一哀鳴孤棲至秋半徘徊盧前呢

喃終日而去次年孤燕復至盧家來時燕語悉如去秋如是者數年附貢生陳錦

為作孤燕行守節四十八年咸豐十年卒年七十九光緒二十三年旌

陳錦... 亦以女... 顧孫而... 也夫死... 柏舟終... 泣血誓... 之解之... 一期矣... 矢志靡... 他何力... 保孤節... 也誓死... 長誓不... 欲生義... 也孤子... 跪在膝... 哀求不... 乃止其... 慈也夫... 孝也夫

自古忠臣義士抱節不屈恒與日月爭光而名登青史千載不朽若皆徒詩書中陶淑來也婦人女子不策師訓未爛經傳何能立異志知大義明人倫若是乎要皆天地之正氣蟠結於其中而得其真性是所謂性之者也內則闡範皆關至性豈獨忠臣義士為足彪炳天壤哉迄今氏年五十有五有五家業頗裕教子成孝躬耕弗懈孫男二孫女皆丰姿挺秀余與氏年遜二十有餘未悉其詳就余之所知略言之以備維繫綱常之一助云

王氏董村竺商禹妻年三十一夫亡守節十三年咸豐十一年卒年四十三光緒二十四年憲旌

孫氏公塘唐肇佐妻年二十七夫亡守節四十二年咸豐十一年卒年六十八光緒二十四年旌

俞氏毛家灘王良珍妻年三十夫亡守節五十年年八十卒邑令黃以清節可嘉獎之

竺氏斑竹園俞紹南妻年三十三夫亡守節四十八年年八十一卒光緒二十四年憲旌

康氏巖頭毛守令妻年二十九夫亡守節五十二年年八十卒光緒二十四年旌

剡源鄉志

卷十三

列女傳

二十二

丹山赤水洞天 剡曲草堂印行

王氏石門毛嘉霧妻年二十九夫亡守節三十二年卒王上事舅姑惟謹

教遺孤慶成邑諸生光緒二十四年旌

宋延祺王節母壽詩人生宮壤間節壽兩希全操節實由己得壽乃在天願惟毛君母青年夫早捐矢志靡他適啣哀寫中涓羞此桃李榮願同金石堅撫孤底成鶴髮鮮既娛萊子服載歌柏舟篇天道母或爽福善古所然